

大明會典

大明會典卷之六十七

禮部二十五

婚禮一

天子納后。先遣官祭告

天地

宗廟。

天子臨軒命使行六禮。

東宮納妃。則先告

廟。其詳在大明集禮。正統中。

英宗納后。成化末年。

孝宗在東宮納妃。皆遵用舊儀。而稍有所損益。今備

載其

親王

公主婚禮亦附列焉

皇帝納后儀

正統七年定

萬曆六年新定儀注有損益者附注本文之下

納采問名

前期擇日遣官告

天地

宗廟至期前一且所司設

御座於奉天殿鴻臚寺設

制案節案於

御座前

新儀改節案於制案之前。下做此。

內官監禮部陳禮物於文

樓下。教坊司設中和樂於殿內。至期早錦衣衛設鹵簿於

丹陛丹墀。禮部陳禮物於

丹陛上及文樓下。內官監設采輿於

奉天門外。教坊司設大樂於

奉天門內。鼓三嚴。鐘止。鴻臚寺奏請陞殿。

上具冕服。導駕奉引如常儀。陞座。文武官朝服叩頭訖。左右侍班。執事引正副使朝服就拜位。行四

拜禮。傳制官奏傳

制訖。由東門出。執事舉

制案節案由中門出。置丹墀中道。禮物在

丹陛上者隨之。傳制官宣

制曰。茲選某官某女為

皇后。命卿等持節行納采問名禮。正副使又行四拜

禮。鴻臚寺奏禮畢。

上興。新儀改禮畢。上興。引禮引。

制案節案由傘蓋遮護由

奉天門中門出。執事引文樓下。禮物隨出。至

奉天門外。正副使取節及

制書置采輿中。儀仗大樂前導從中門中道行出大明門外。正副使易吉服乘馬行詣

皇后第行禮。

皇后第前一日設正副使幕次於大門外存南向。設香案於正堂中。設

制案。籩案於香案南。別設案於香案之北。其日正副使至大門外儀仗大樂分列置采輿於正中。設

制案。節案於采輿北。引禮引正副使入幕次。執事

官陳禮物於正堂。正副使出幕次取

制書置案上。禮官一員先入正堂立於東。主婚者

朝服出見。立於西。禮官曰奉

制建

后。遣使行納采問名禮。引主婚者出迎。引禮引正副

使捧

制書及節先行。主婚者隨行。至正堂置

制書及節於案。正使立於案左。副使立於案右。東

西相向。引禮引主婚者就拜。行四拜禮。詣案

前跪。正使取納采

制宣訖。授主婚者。主婚者受之。授執事者。執事者
跪受。置于北案上稍左。副使取問名。

制宣訖。授主婚者。主婚者受之。授執事者。執事者

跪受。置于北案上稍右。主婚者俯伏。興平身。執

事者舉荅問名表。案于主婚者後少西。取表授

主婚者。主婚者受表。跪授正使。正使受置于案。

主婚者俯伏。興平身。退就拜位。又行四拜禮畢。

正副使出。置表采與中訖。新儀改正副使持節
隨表案後出。各置采

與中主婚者出大門外。至正副使前致詞。云請

禮從者。正副使復入。酒饌畢。主婚者捧幣帛以

勞正副使。正副使出。主婚者送至大門外。正副使進發采輿于

大明等門左門入。至

奉天門外。以表節。授司禮監官捧入。復

命

制詞

朕承天序。欽紹鴻圖。經國之道。正家為本。夫婦之倫。乾坤之義。實以相

宗祀之敬。協奉養之誠。所資維重。祇遵

聖祖母太皇太后

聖母皇太后命遣使持節以禮采擇

右別采

朕惟夫婦之道大倫之本。正位乎內。必資名家。特遣使持節以禮問名。尚佇來聞。

右問名

附荅辭

臣某伏承

嘉命。正使某官某等。重宣

制詔。問臣名族。臣女。臣夫婦所生。先臣某官某之
玄孫。先臣某官某之曾孫。先臣某官某之孫。先
臣某官某之外孫。臣女今年若干。謹具奏

聞

納采問名禮物

玄纁紵絲四段

玄色二段
纁色二段

金一百兩

花銀八百兩

珍珠五樣

紵絲八十疋

大紅線羅四疋

白生土紗四疋

各色熟絹八十疋

綿麤脂一百箇

蠟麤脂二兩

用金合二箇

珠兒粉十兩

開合

紵絲六疋

木紅絹六疋

珠翠花一朶

羊八隻

豬四口

酒一百六十瓶

鷺四十隻

末茶二十袋

圓餅一百六十箇

白熟米四石

白麩八十袋

棗子四合

栗子四合

木彈四合

納吉納徵告期

前一日所司設

制案節案禮物中和樂。至期早設鹵簿采輿大樂。

新儀改設中和樂。大樂俱在前一日傳。

制遣使並同前納采問名儀。但納徵用玄纁束帛。

六馬等物。

制詞云茲聘某官某女為

皇后。命卿等持節行納吉納徵告期禮。

皇后第前一日設正副使幕次香案

制案節案別設案並同前受納采問名儀惟更設

玉帛案其日正副使至

皇后第於采輿中取節及

制書玉帛置案上少候執事先設

皇后冠服諸禮物於正堂六馬陳于堂下禮官一員

入正堂主婚者朝服出見禮官曰奉

制聘

皇后

新儀無
皇字

遣使行納吉納徵告期禮。主婚者出迎。

執事舉玉帛案前行。正使於案取納吉納徵

制書捧之。副使取告期

制書及節捧之。次行。主婚者後隨。

新儀改正使捧
節副使捧納吉

納徵告
期制書

至正堂。正副使各以

制書及節置案上。退立案之左右相向。置玉帛案

于節案

制書案之南。引禮引主婚者就拜位。行四拜禮。引

詣案前跪。正使取納吉納徵

制書以次宣訖授主婚者主婚者受

制以授執事者執事者跪受置于北案。正使捧圭授主婚者主婚者受。主婚者受。主婚者跪受置于北案。副使捧玄纁授主婚者主婚者受。受置于北案。副使捧玄纁授主婚者主婚者受。以授執事者執事者跪受置于北案。副使取告期

制書宣訖授主婚者主婚者受

制以授執事者執事者跪受置于北案。主婚者俯伏興平身復位行四拜禮畢。正副使持節出以節置采輿中。主婚者出門外請禮從者及捧幣

勞正副使俱同前。正副使還至
奉天門外。以節授司禮監官捧入復

命

制詞

大婚之上。龜筮卿士協從。敬循禮典。遣使持節告吉

右納吉

卿女有貞靜之德。稱母儀之選。宜共承

天地

宗廟。特遣使持節。以禮納徵。

右納徵

歲令月良。吉日某甲子。

大婚維宜。特遣使持節以禮告期。右告期

納吉納徵告期禮物

玄纁紵絲四段

玄色二
纁色二

玉穀圭一枝

金龍珠翠燕居冠一頂

金簪全

燕居服素夾四件

紵絲一件

線羅二件

銀絲紗一件

大帶各色線羅四條

玉革帶一條

全事件全

玉花采結綬一副

金事
件全

玉佩玕璫一副

金鈎金
事件全

玉雲龍霞帔墜頭一箇

金釵花釧一雙

金素釧一雙

金連珠鐲一雙

首飾一副

天順八年加一副

珠面花二副

翠面花二副

四珠葫蘆環一雙

八珠環一雙

排環一雙

玉禁步一副

青素紵絲滴真珠描金雲龍鳥一雙

青翠織金

珠翠花四朶

翠花四朶

珠兒粉十兩

蠟燕脂二兩

金合二兩

金鑲合香串一副

金八百兩

花銀二千六百兩

寶鈔二千錠

白綿五十斤

五樣珍珠二十八兩

紵絲八十疋

銀絲紗八十疋

素線羅八十疋

大紅素線羅八疋

熟綾八十疋

妝花絨錦四十段

白生闊土紗八疋

各色熟絹二百八十疋

各色衣服七十件

紵絲二十件

紗十八件

羅二十件

綾十二件

各色被六牀

錦二牀

紵絲二牀

綾二牀

白絹卧單四條

裁刺紵絲紗羅錦二束

朱紅漆戩金皮箱三十對

翟服匣一座

朱紅漆柳箱二對

擎執官人用衣帽等件九十六件

紅綠平羅銷金衣二十四件

硬翠竹葉烏紗帽二十四頂

皂麕皮靴二十四雙

釵花銀束帶二十四條

馬十二匹

大紅熟絹銷金蓋馬一柄十二條

乘馬四匹

回禮馬八匹

金鞍四副

開合

紵絲八疋

木紅熟絹八疋

珠翠花一朶

全抹金銀脚

羊五十二隻

酒三百四十瓶

豬三十二口

鷺六十四隻

末茶六十四袋

圓餅一千二百箇

白麩二百四十袋

膠棗四合

栗子二合

榛子二合

木彈二合

胡桃二合

響糖四合

纏椀四合

蓮肉纏四合

杏仁纏四合

硝砂纏四合

發冊奉迎

前一員所司設樂儀仗如常儀。至期早。鴻臚寺設

制書案節案冊案寶案於

御座前。禮部陳鴈及禮物於

丹陛上。內官監設采輿於

奉天門外陳設

皇后鹵簿車輅禮物於采輿南其傳

制遣使並同前納采問名儀但改

制詞云茲冊某官某女為

皇后命卿等持節奉冊寶行奉迎禮其節及

制書冊寶用傘蓋遮護從中門出執事舉鴈及禮

物隨行正副使亦隨行詣

皇后第行禮其奉迎用旗手衛鼓吹前導設而不作

教坊司作樂如常儀是日內官設

皇后幕次於內殿南北向設

上與

皇后各更服處於內殿。

皇后第。前一日。設正副使幕次於大門外。南向。設香案。

制書案節案冊寶案於正門中。又設香案。

制書案節案於正堂。別設案於正堂北。新儀改制案節案別

設案俱設於正堂北

其日。正副使至。於采輿中取節及

制書冊寶置案上。入次少候。女官奉

皇后首飾禕服入中堂左。新儀改入中堂右內官陳儀仗車

輅等物於大門內。禮官一員先入。主婚者朝服

出見禮官曰奉

制冊

后遣使持節奉冊實行奉迎禮。主婚者出迎。執事者舉冊寶案前行。正副使捧

制書及節次行。執事者執鴈及禮物隨入。主婚者從行至正堂。正副使置

制節於案。執事者置冊寶案於

制案節案之南。冊東寶西。正使立於案左。副使立於案右。相向。引禮引主婚者就拜。停行四拜禮。退立於西南。女官以首飾褱服進。

皇后內官進

皇后儀仗於中堂前。設女樂於堂下。作止如常儀。司禮監官進前受節冊。贊正副使於案。取節冊。寶授之。仍前立候。內贊二人引捧節冊。寶監官入中堂前。各置於案。

皇后具服出閣。女官及官人擁護詣香案前。向闕立。內贊贊行四拜禮。贊宣冊。贊跪。

皇后跪。宣冊官取冊立。宣於

皇后之左。訖。贊受冊。贊搯圭。宣冊官以冊進授

皇后。皇后受冊。以授女官。女官跪受。立於西。贊宣寶。

宣寶官取寶立宣於

皇后之左訖贊受寶。宣寶官以寶進授

皇后。皇后受寶以授女官。女官跪受立於西。贊出。主贊興。又贊四拜。禮畢。

皇后入閣。持節監官由正門出。授正副使。報受冊寶。禮畢。正使受節置案上。引禮引主婚者詣案前跪。正使取奉迎。

制宣訖。授主婚者。主婚者授執事者。執事者跪受。置於北案。執事者以鴈及禮物進。副使以次受之。授主婚者。主婚者授執事者。執事者皆跪受。

置於案。又贊四拜。禮畢。正副使持節出大門外。置節采輿中。主婚者請禮從者。及以幣勞正副使同前。司禮監官嚴整鹵簿。復以奉迎禮入達於女官。女官奏請。

皇后冠服出閣。女樂前導。宮人擎執擁護。自東階下立香案前。內執事贊四拜畢。請。

皇后陞堂南向立。主婚者進立於。

皇后之東。西向。曰戒之敬之。夙夜無違命。畢。退立於東階西向。母進立於。

皇后之西。東向。施衿結帨。曰勉之敬之。夙夜無違。畢。

退立於西階東向。執事奏請乘輿。

皇后降階陞輿。侍從如儀。內執事導從出門。奉迎儀仗大樂前行。采輿次行。正副使隨行。司禮監官擁導。

皇后鹵簿冊寶采輿行。宮人乘轎。內官內使衛護從大明門中門入。文武百官具朝服。於

承天門外東西向立班迎候。輿入。

承天門退。

皇后輿輅至。

午門外。鳴鐘鼓。鹵簿止。正副使以節授司禮監官。

先入復

命捧冊寶官捧冊寶傘扇儀仗女樂前導宮人擁護
皇后輿由

奉天門進內庭幕次捧冊寶監官以冊寶授女官。
皇后出輿由西階進。

上由東階降迎於庭揖。

皇后入內殿內侍請。

上詣更衣處具衮冕女官請。

皇后詣更衣處更衣。

上同。

皇后詣

奉先殿行禮。捧冊寶。女官以冊寶置

皇子宫中。內官以

皇后輿輅鹵簿入

午門過

御橋。由中右門進

皇子宫中

發冊奉迎禮物

串五大紅紵絲二疋

天順八年加串五色紵絲三十二疋。各色熟絹三

十二疋。花銀四百兩

金冊一副

金寶一副

冠一頂

首飾一副

翟服一副

大衫三件

紵絲一件

羅一件

紗一件

鞠衣繡四件

紵絲一件

羅二件

紗一件

霞帔各色羅繡三副

馬一雙

鞵珍珠全

駕一副

鴈一隻

天順八年加一隻

羊十二隻

天順八年加十二隻

酒六十瓶

天順八年加六十瓶

膠棗二合

天順八年加三合

栗子二合

天順八年加二合

木彈二合

天順八年加二合

胡桃二合

天順八年加二合

廟見

是日早內官於

奉先殿陳設牲醴祝帛畢候

上同

皇后至贊引引就拜位。

上在東。

皇后在西。行禮如常儀。祭畢。還宮。

合盃

是日。內官先於

正宮殿內設

上座於東。

皇后座於西。相向。置酒案於正中。稍南。置四金爵兩

盃於案上。候謁

奉先殿。還內侍女官請

上與

皇后各就更服處。

上服皮弁服。陞內殿。

皇后更衣從陞。贊請陞座。執事者舉饌案於

上與

皇后前。女官司尊者取金爵酌酒以進。飲訖。女官進饌。舉饌訖。女官再取金爵酌酒以進。飲訖。進饌。舉饌畢。女官以盃盞酌酒合和以進。飲訖。又進饌。舉饌畢。內侍奏禮畢。

上同

皇后興。內侍女官執事奏請

上與

皇后就更服處易常服。

皇帝從者餽

皇后之饌。

皇后從者餽

皇帝之饌

朝見兩宮

第二日早。

上冕服。

皇后禮服詣

某宮俟。

某宮禮服陞座。贊引引

上與

皇后詣

某宮前。宮人以服脩盤立於

皇后左。贊禮贊

上與

皇后皆四拜。執事二人舉案至

某宮前正中。宮人以服脩盤授

皇后。

皇后捧置於案上。執事女官舉案。

皇后隨案進至

其宮前。

皇后復位，贊禮贊

上與

皇后皆四拜。執事者舉服脩案徹於西，贊禮畢。

皇后還宮

謝恩

第三日早。

上冕服。

皇后禮服同詣

某宮前行八拜禮訖。

皇后詣內殿俟。

上服皮弁服。陞座。贊引女官引

皇后禮服詣

上前就拜位。行八拜禮畢。

皇后還宮陞座。引禮引在內親屬贊八拜禮。次引六
尚等女官贊八拜禮。次引各監局內官內使。行
八拜禮畢。降座。入問。是日。

上受

皇后謝恩禮畢。出具服

御奉天殿頒

詔布告中外。行禮如常儀。

受賀

第四目文武百官具朝服上表慶賀。陳設如常儀。

上具袞冕御華蓋殿。

親王行八拜禮慶賀。次執事官行五拜三叩頭禮。

畢。鴻臚寺奏請陞殿。

新儀。親王行禮畢。鴻臚寺官候王退。奏執事官行

禮畢。奏請陞殿。

導駕官前導。百官進表。行禮如常儀。其

親王行禮畢。詣內殿。

某官前。

皇后前。俱行慶賀八拜禮。出。是日。

某官具禮服陞內殿。受內外命婦慶賀禮。外命婦進表如常儀。

皇后禮服陞殿。受內外命婦慶賀禮。外命婦進箋如常儀。

監饋

第五日清晨尚膳監具膳羞。

皇后具禮服詣

某官。俟膳至。贊引引。

皇后詣前贊四拜。尚食以膳授

皇后。

皇后捧膳進於案。復位。贊四拜。贊引引

皇后退。立於西南。俟膳畢。引出還宮。

選用宮人

洪武二十九年定。所取女子。除富豪不用。其餘不問貧難之家。女子年十五二十歲者。送進灑掃宮院。曬晾幔褥。漿糲衣服。造辦飯食。許各家父母親送賞鈔五十錠。其在京軍民之家。有女子。及無夫婦人。能寫能算者。不論貧富醜陋。皆

許進用。賞與前同。不許將體氣惡疾及已曾進
到者。一槩進來。○三十五年。以補六尚官。今禮
部出榜。不分軍民之家。但有識字婦人。年三十
至四十。願來者。有司起送。若女子識字。雖容貌
醜陋。年十七八。已上。願來者。聽一體應付。御力
赴京選用。俱本父母親自送來。給與賞賜。照依
所授品級。給俸以厚其家。仍免本家雜泛差役。
其婦人入宮後。年至五十。願還鄉者。聽女子入
宮十數年後。有識字人替用。願回鄉及適人者。
聽從其便。女官所管。皆宮中事務。不過紀錄名

數物件而已。別無艱難。此等識字婦人。若鄉里
耆老鄰人舉保出來。有賞。○嘉靖十三年題准
女子選入內庭。例應收充女戶者。舍餘於原衛
民籍於錦衣衛帶管食糧。各止終身。不許朦朧
影射差役。

大明會典卷之六十八

禮部二十六

婚禮二

皇太子納妃儀

成化二十三年定

納采問名

前期擇日遣官告

太廟。牲用犢各一。用祝文。至期前一日。所司設御座于奉天殿。鴻臚設

制案節案于

御座前。內官監禮部陳禮物於文樓下。教坊司設中

和樂於殿內。至日清晨。錦衣衛設鹵簿於丹陛丹墀。禮部設采輿。教坊司設大樂。俱於奉天門外。

上具袞冕御華蓋殿。鴻臚寺奏執事官行叩頭禮畢。請陞殿導。

駕奉引如常儀。

上御奉天殿。文武官朝服叩頭訖。執事官引正副使朝服就拜位。行四拜禮。傳制官奏傳。

制訖。由左門出。執事官舉。

制案節案亦由左門出。傘蓋遮護。置丹墀中道。傳。

制官宣

制曰。茲擇某官某女為

皇太子妃。命卿等持節行納采問名禮。正副使又
行四拜禮。鴻臚寺奏禮畢。

上與引禮引

制案節案由

奉天門左門出。執事官引文樓下禮物隨出。至
奉天門外。正副使取節

制書置采輿中。儀仗大樂前導。從二門行出。
東長安門外。正副使易吉服。乘馬隨行。詣

皇太子妃家行禮。

皇太子妃家前一日。設正副使幕次於大門外道左。南向。設香案於正堂中。設

制案節案於香案南。別設案於香案之北。其日。正副使至大門外。儀仗大樂分列。置采輿於正中。設

制案節案於采輿北。引禮引正副使入幕次。執事官陳禮物於正堂。正副使至幕次。取節

制書置案上。禮官一員先入正堂。立於東。主婚者朝服出見。立於西。禮官曰。奉

制聘

皇太子死。遣使行納采問名禮。引禮引主婚者出迎。引禮引正副使捧節及

制書先行。主婚者隨行。至正堂置節及

制書於案。正使立於案左。副使立於案右。引禮引主婚者就拜位。行四拜禮。詣案前跪。正使取納采

制宣訖。授主婚者。主婚者受之。授執事者。置於北案上稍左。副使取問名

制宣訖。授主婚者。主婚者受之。授執事者。置於北

案上稍右。主婚者俯伏。興。平身。執事者舉荅問。名表案於主婚者後少西。取表授主婚者。主婚者受表跪授正使。正使置表於案。主婚者俯伏。興。平身。退就拜位。又行四拜禮畢。正副使出。置表采輿中訖。主婚者至。正副使前致詞云。請禮從者。酒饌畢。主婚者奉幣以勞正副使。正副使出。主婚者送至大門外。正副使進發采輿於

東長安門入。至

奉天門外。以節表授司禮監官。奏聞復

命

納采問名禮物

玄纁紵絲二疋

去一疋。纁一疋。用紅綠羅銷金束于六箇。

一疋。用紅綠羅銷金

金六十兩

珍珠十兩

用紅綠紗銷金袋二箇。

花銀六百兩

各色紵絲四十疋

用紅綠羅銷金束于一百二十箇。

裏絹四十疋

大紅羅四疋

用紅綠羅銷金束于十二箇。

生紗四疋

用紅綠羅銷金束于十二箇。

綿臘脂一百箇

金花臘脂二兩

用抹金合一對。計六兩重。

鉛粉二十袋計一十兩重

用紅緋羅銷金袋兩

北羊六牽

用紅緋羅銷金蓋袱六條。并牽羊紅麻索六條

豬四口

鷄二十八隻

酒一百二十瓶

用紅緋羅銷金小蓋袱一百二十條。每條陸角。銅錢四箇

圓餅一百二十箇

用紅紙花貼面

末茶一十二袋

用紅緋羅銷金袋一十二箇

棗二合

栗二合

胡桃二合

木彈二合

白熟米四石

作八合。每合上用桑紅米二升

麩六十袋

用紅紙花貼面

媒人

紵絲二疋

用紅線羅銷金束子六箇

裏絹二疋

開合

紵絲二疋

用紅線羅銷金束子六箇

裏絹二疋

珠翠花一朶

以上禮物媒人并內官一員送至妃家。媒人就引妃家回奉禮物從

東華門入。如命官則

皇帝前復命。外命婦則

皇后前復命

納徵告期冊封

先期一日遣官告

太廟所司設

制案節案冊案。

妃冠服禮物中和樂。至日清晨設鹵簿采輿大樂。
傳

制遣使禮儀並同前納采問名儀。但設

妃儀仗車輅於

左順門外候禮物過隨行。又改

制詞云。茲擇某官某女為

皇太子妃命卿等持節行納徵告期冊封禮。

皇太子妃家前一日設正副使幕於香案

制案節案冊案玉帛案並同前受納采問名儀但
納徵用玄纁束帛較圭八馬等物其日正副使
至

皇太子妃家於采輿中取節

制書冊玉帛置於案少候執事先設

皇太子妃冠服諸禮物於正堂八馬陳於堂下禮
官一員先入正堂主婚者朝服出見禮官曰奉

制封

皇太子妃遣使行納徵告期冊封禮。主婚者出迎。執事舉玉帛冊案前行。正使於案取節及納徵。制書副使取告期。

制書捧之。以次行。主婚者後隨。至正堂。正副使各以節。

制書置於案。退立於案之左右。東西向。置玉帛冊案於

制書案之南。引禮引主婚者就拜位。行四拜禮。引詣案前跪。正使取納徵。

制書宣訖。授主婚者。主婚者受之。以授執事者。執

事者跪受置於北案。正使捧圭授主婚者。主婚者受之以授執事者。執事者跪受置於北案。副使捧纁授主婚者。主婚者受之以授執事者。置於北案。畢。副使取告期。

制書宣訖。授主婚者。主婚者受之以授執事者。置於北案。主婚者俯伏。興。平身復位。行四拜禮畢。正副使入次少候。女官捧

皇太子妃首飾冠服入中堂左。內官陳儀仗車輅等物於大門之內。女官以首飾冠服進。

皇太子妃。內官進。

皇太子妃儀仗於中堂前。司禮監官進前受節冊。正副使於案取節冊授之。仍前立候。內官二人引捧節冊監官入中堂前各置於案。

皇太子妃具服出閣。女官及官人擁護詣香案前向

關立。贊禮女官贊行四拜禮。贊宣冊。贊跪。

皇太子妃跪。宣冊女官取冊立宣於

妃左訖。贊受冊。贊指圭。宣冊官以冊進授

皇太子妃。妃受冊以授女官。女官跪受於右立於

西。贊出圭。興。四拜禮畢。

皇太子妃入閣。持節監官由正門出授正副使。報受冊禮畢。正副使出大門外。置節采輿中。主婚者請禮從者。及以幣勞正副使。正副使還至奉天門外。以節授司禮監官捧入復

命

納徵禮物

玉穀圭一枝

圭。玉圭。錦。第二件。威。玉圭。戲。金雲。鳳。朱。紅。木。匣。一。箇。內。錦。褥。一。片。

玄纁紵絲四疋

玄。二。疋。纁。二。疋。束。子。一。十二。箇。用。紅。綠。羅。銷。金。

珠翠燕居冠一項

冠。盃。全。

冠上大珠博鬢結子等項全。金鳳二箇。金寶

鈿花二十七箇。金簪一對。冠上珊瑚鳳冠背一副。

大衫素夾三件

大紅紵絲一件

大紅線羅一件

大紅銀絲紗一件

燕居服四件

大紅紵絲一件

大紅線羅一件

青線羅一件

大紅素紗一件

大帶四條

內大紅線羅三條。青線羅一條。

玉革帶一條

玉事件九件

金事件三件

玉花采結綬一副

紅線線單采結大紅線羅紫

采結上玉綬花一箇

綬帶上玉墜珠六顆

綬帶上金垂頭花板四片金葉兒六箇

白玉鈞碾鳳文佩一副

玉事件二十件

串珠全

金鈞二箇

紅羅銷金夾袱大小五條

包燕尾及玉革帶等

珠翠面花四副

珠翠花四枝

金脚八錢

金脚四珠環一雙

金脚五錢重

梅花環一雙

金脚五錢

金銀花釧一雙

二十兩

金光素釧一雙

二十兩重

金龍頭連珠鐲一雙

一十四兩重

金八寶鐲一雙

八兩重。外寶石一十四塊

金二百兩 九成色一百兩。八成色可百兩

花銀一千兩

珍珠十六兩

用紅綠紗銷金袋二箇

寶鈔四千貫

乘馬八匹

紅籠頭鑲鞵

各色紵絲六十疋

用紅十疋

綠羅銷金朱子一百八

各色綾六十疋

用

紅綠羅銷金朱子一百八十

各色紗六十疋

用紅綠羅銷金米子一百八十箇

各色羅六十疋

用紅綠羅銷金米子一百八十箇

各色錦四十段

用紅綠羅銷金米子一百二十箇

大紅羅六疋

用紅綠羅銷金米子一十八箇

生紗六疋

用紅綠羅銷金米子一十八箇

各色絹三百疋

白綿二十八斤

各色衣服五十三件

紵絲十八件

羅十七件

紗八件

綾十件

各色被六牀

錦二牀

紵絲二牀

綾二牀

白絹卧單四條

朱紅戲金皮箱十五對

朱紅漆柳箱二對

臘脂二合二兩重 金合一對一十兩重

鉛粉二十袋一十兩重 用紅綠羅銷金袋二箇

北羊四十牽 用紅綠羅銷金蓋袱四十箇。牽羊紅麻索四十條

豬二十口 鷺四十隻

酒二百四十瓶 用紅綠羅銷金蓋袱二百四十條。每條陸角折二銅錢。四箇

六安茶四十袋

用紅綠羅銷金袋四十箇

響糖二合

芝麻纏糖二合

茶纏糖二合

砂仁纏糖二合

胡桃纏糖二合

木彈二合

蜜煎二合

棗子二合

乾葡萄二合

胡桃二合

圓餅六百箇

用紅紙花貼面

白麩一百二十袋

用紅紙花貼面

紅紗罩盃大小一十二箇

開合

紵絲八疋

用紅緙羅銷金束子二十四箇

紅絹八疋

珠翠花一朶

媒人

紵絲一十二疋

用紅緙羅銷金束子三十六箇

發冊禮物

金冊一副

兩葉。計足色金一百兩重。每葉高一尺二寸。闊五寸。周尺。

籍冊錦一片

紅絹裏

聯貫冊葉

用紅絲緙

墊冊錦褥一箇

紅絹裏

裏冊紅羅銷金小夾袂一條

渾金瀝粉雲鳳冊盃一箇

內用紅紵絲發。花銀釘紋一副。

兩二錢重。嵌金絲織。鑲鑽一副。

覆盃紅羅銷金大夾袂一條

九暈四鳳冠一頂

首飾一副

冠上大花九樹。小花九樹。寶釧九箇。翠雲博
釐。描金珠皂羅額。珠眉心。珠牌環。金冠上金
鳳四箇。牌環脚一雙

翟衣三套

描金雲鳳。沙香色木匣一箇。銅鎖鑰。素托金

青紵絲繡翟衣一件

青紵絲繡蔽膝一件

玉色線羅中單一件

紅綠襖

青線羅繡翟衣一件

青線羅繡蔽膝一件

玉色線羅中單一件

紅綠襖

青紗繡翟衣一件

青紗繡蔽膝一件

玉色紗中單一件

霞帔三副

青紅線羅銷金大帶一條。上有青紵絲副帶。

一條

五色線錦綬一副。上有玉環二箇。青紅羅采結全。

白玉鈎碾鳳文佩一副

玉事件二十件串珠全

金鈎子并圈二箇。五色線錦襯一副

白玉革帶一副。青紵絲裏。繫挂金文羅文。

玉事件一十件。金事件五件

青紵絲舄一雙。上有珠六顆。青羅鞵一雙

紅羅銷金夾袂大小五條。包裹羅衣玉佩玉帶等用。

鳳轎一乘

錦坐褥一箇

錦踏褥一箇

紅交牀一把

紅穿條全

紅簾一扇

青華錦金沿邊通帶全

紅羅銷金轎衣一件

濕木頂單全

采結四串抹金銀香圓寶蓋四副

計八件共花銀一十

六兩

紅油絹銷金兩轎衣一件

濕水頂單全

儀仗

紅杖二

清道旗二

絛引旛二

戟斃二

戈繡旗二

纒繡旗二

班劍二

結子絹袋全

儀刀二

結子紅絹袋全

吾杖二

絹袋全

鐙杖二

絹袋全

立瓜二

絹袋全

卧瓜二

絹袋全

骨朶二

絹袋全

斧二

響節四

絹袋全

紅繡傘一把

絹袋全

青方傘二把

絹袋全

紅繡團扇四把

絹袋全

青繡團扇四把

絹袋全

紅紗燈籠四箇

竿全

拂子二

結子全

坐障一

竿全

行障二

竿全

抹金交椅脚踏一副

除木外。計花銀一百兩。搭坐踏褥結子全。

抹金銀水罐一箇

六十兩重

抹金銀水盆一箇

六十兩重

抹金銀唾壺一箇

一十六兩重

抹金銀唾盂一箇

一十六兩重

抹金銀香爐一箇

一十六兩重

抹金銀香合一箇

一十六兩重

擊執官人銷金羅袍一十四領。抹金釵花銀帶

一十四條。翠花紗帽一十四頂。皂鹿皮鞋一

十四雙

女轎夫衣袍一十六領。汗袴一十六副。銅束帶一十六條。花紗帽一十六頂。紅錦布鞵一十六雙。

催妝禮物

北羊四牽。紅綵絹銷金蓋被四條。

酒四十瓶。

紅綵單銷金蓋瓶。瓶四十條。每條壓角折二銅錢四角。

果四合。

用花八枝。

以上禮物。內官一員。送至妃家。

醮戒

先期一日。所司設

皇太子幕次於中左門前丹墀內設

皇太子受醮戒位於

御座南。北向。設

皇太子拜位於

丹陛上。北向。設贊禮二人位於

皇太子

丹陛上拜位之北。東西相向。知班二人位於贊禮之南。東西相向。設酒饌案於醮戒位之東稍北。設司爵司饌各二人位於案之南。西向。執膳內官先備金爵果合以候。是日早。鴻臚寺贊引二

人具朝服并

東宮侍從官先入至

文華殿門前候

皇太子出行叩頭禮。贊引二人及侍從官導從由奉天左門入。至幕容具袞冕以候。鼓三嚴。

上服通天冠絳紗袍出。鴻臚寺請陞座。

上御奉天殿。樂作。警蹕。文武官盛服行叩頭禮分班列侍如常儀。樂止。贊引及侍從官導引。

皇太子出幕次至東陛下。侍從官止。贊引導引皇太子由東階陞。至

丹陛拜位。北向立。贊禮贊鞠躬。四拜。與平身。贊引導引。

皇太子由

奉天殿左門入。就懸戒位。北向立。司爵斟酒以進。贊引贊跪。

皇太子跪。贊摺圭。贊受爵。司爵者以爵立授皇太子。皇太子啐酒訖。以爵授內使。內使跪受爵。退置於案。司饌者以果合跪進。

皇太子。皇太子取少許食訖。司饌者與以果合退。置於案。贊出圭。贊恭聽。

戒命。

上命之曰。往迎爾相。承我宗事。勗帥以敬。

皇太子曰。臣謹受。

命。贊俯伏。興。平身。贊復位。贊引仍導。由左門出。至。

丹陛。上拜位立定。贊禮贊鞠躬。四拜。興。平身。贊禮畢。樂作。警蹕。

上降座還宮。樂止。贊引導。

皇太子由東陛降丹墀。

東宮內外官皆導。從。由。

奉天左門出。

午門外。暮次易服。

妃受醮戒。

親迎日。妃家先於祠堂陳設祭物。

妃服燕居冠服。妃父母率妃詣祖宗前行禮奠酒。

讀祝禮畢。執事者具酒饌於內。進。

妃飲食訖。父母坐於正堂。女執事引。

妃詣父母前各四拜。父命之曰。爾往。

大內。夙夜勤慎孝敬。毋違。母命之曰。爾父有訓。爾。

當敬承。

妃聽受訖。次詣諸尊長行禮畢。改服翟衣以俟。

親迎

是日早先設

皇太子幕次及儀仗真鴈并所乘輅。教坊司大樂及隨侍官舍侍衛官軍俱於

午門外。妃家先設

皇太子幕次於中門之外。南向。設香案真鴈案於中堂。

皇太子受醮戒訖。贊引導引至

午門外幕次。易皮弁服。訖。贊引跪請陞輅。

皇太子陞輅。執鴈者後隨。樂作。儀從先導。隨侍官

會典卷之六
舍官軍導從由

東長安門至妃家門外。贊引跪請

皇太子降輅。導引至幕次。禮官一員先入。至正廳
立於東。西向。主婚者具朝服出見。立於西。東向。
禮官曰

皇太子奉

制行親迎禮。引禮二人具服。引主婚者迎

皇太子於幕次之外。內官二員具服。引

皇太子出幕次。主婚者請

皇太子入中堂。

皇太子先行。內官具服捧鴈隨入。主婚者後行。至中堂。主婚者進立於堂中之左。妃母立於堂中之右。東西相向。

皇太子至中堂。女執事二人引

妃出房。立於妃母之下。內官引

皇太子至案前。內官捧鴈跪進

皇太子。皇太子以鴈奠於案。內官引

皇太子稍退。近東西向立。主婚者詣鴈案前行。八拜禮。退復位。執事者徹案。引禮。內官導

皇太子先行。至中門。女轎夫舉鳳轎。至於中門之

內。內官具

妃儀仗於中門之外。女執事引

妃出。內官跪請

皇太子詣轎所。啓請揭簾。

妃陞轎。內官啓請

皇太子陞輅前行。

妃具儀仗從後行。由

東長安門進至

午門外。車駕儀仗侍衛官舍官軍俱止。

妃儀仗入

左順門內候。內官跪請。

皇太子降輅。導引入幕次候。

妃至輜止。內官跪請。

皇太子揭簾。

妃降輜。

皇太子先行。內執事以帷幕擁護。

妃後行。俱步入。

左順門內官跪請。

皇太子乘輿先行。女官跪請。

皇太子妃陞輜後行。至宮門外。

皇太子降輿候

妃至。女官跪啓請

皇太子妃降轎。入幕次候行合巹禮

親迎禮物

活鴈一對

合巹

其日內官先於

皇太子內殿外設

妃幕次設

皇太子座於殿東。西向設

妃座於西東向。各設拜位於座之南。設酒案於正中稍南。置兩爵兩盞於案上。

皇太子至宮門外。降輿入候於內殿門外之東西向。

妃降轎。女官以帷幕擁護。導入幕次。整飾訖。導引至內殿門西東向。贊引二人導。

皇太子前陞殿。女官二人導。

妃隨陞。贊請就拜位。

皇太子與妃各就拜位。贊。

皇太子兩拜。妃四拜。贊請陞座。

皇太子與妃皆陞座。女執事二人舉饌案進於皇太子及妃之前。女官司尊者取金爵酌酒以進。皇太子與妃各受爵飲訖。女官進饌。

皇太子與妃皆舉饌訖。女官再以金爵進酒。

皇太子與妃飲訖。女官進饌。皆舉饌訖。女官再以盃盞酌酒合和以進。

皇太子與妃皆飲訖。又進饌。

皇太子與妃皆舉饌。几三舉酒饌畢。執事者徹饌案贊。

皇太子與妃興。就拜位相向贊兩拜如前儀畢。

皇太子從者餽

妃之饌。妃從者餽

皇太子之饌。

皇太子從者導

皇太子入宮更禮衣。妃從者及女官導

妃入宮易常服。

供用器皿

金器

壺瓶一對

六十兩重

酒注一對

六十兩重

孟子一對

二十兩重

贊禮盤二面

六十兩重

盤盞二副 二十兩重

託裏胡桃木椀四箇 六十四兩重

楞邊胡桃木託四箇 五兩重

託裏胡桃木鍾子一對 一十一兩重

撒盞一對 八兩重 葫蘆盞盞一副 一十兩重

茶匙一雙 一兩重 匙一雙 五兩重

箸二雙 五兩重

銀器

壺瓶二把 共五十兩 果合一對 一百六十兩

汗瓶二把 共五十兩 茶瓶一對 五十兩重

湯鼓四箇八十兩重

按酒牒一十二箇四十二兩重

果牒一十二箇三十兩重

茶牒一十二箇二十四兩重

朝見兩宮

第二日清晨。

皇太子冕服。

妃翟衣。女官贊引各啓請出宮至

某宮門外備。

某宮服燕居服陞座贊引引

皇太子及妃自左門入。

皇太子先入。

妃從之。贊禮贊詣

某宮前。

皇太子立於東。

妃立於西。宮人以殿脩盤立於

妃之右。贊

皇太子與妃皆四拜。執事二人舉案至

某宮前。宮人以殿脩盤授

妃。妃捧盤置於案。執事者舉案。

妃隨案進至

某宮前。妃復位。贊

皇太子與妃皆四拜興。執事者徹服脩案於東。贊
禮畢。引

皇太子與妃出詣

上位官前俟。

上位具常服陞座。贊引引

皇太子及妃自左門入。詣

上位前。進棗栗盤。行禮同前。畢。詣

皇。后。宮。進。服。脩。盤。行。禮。同。前。畢。贊。引。引

皇太子及妃出。是日

賜皇太子與妃宴

監饋

第三日清晨。

妃服翟衣。贊引引

妃至

某宮由左門入。俟膳至。贊引引

妃至前贊四拜。尚食以膳授

妃。妃捧膳置於案。復位。又贊四拜禮。贊引引

妃退立於西南。俟膳畢。引

妃出陞轎詣

乾清宮門外降轎由左門入。俟膳至贊引引

妃詣

上位前弁

皇后前禮俱同

廟見

第四日內官於

奉先殿陳設牲醴祝帛。贊引二人引

皇太子。二人引妃至

奉先殿詣

德祖玄皇帝

皇后神御前贊

皇太子與妃皆兩拜贊跪。

皇太子跪妃亦跪贊措圭。

皇太子措圭贊進帛執事者跪進於

皇太子右贊獻帛。

皇太子受帛以獻授執事者贊奠帛執事者以帛

奠於

神御前贊進爵執事官以爵跪進於右贊獻爵。

皇太子受爵以獻授執事者贊奠爵執事者以爵

奠於

神御前。贊俯伏。興。

皇太子俯伏。興。妃亦興。贊復位。贊。

皇太子與妃皆兩拜。平身。次詣各

神御禮同前。贊詣讀祝位。

皇太子與妃詣讀祝位。贊跪。

皇太子跪。妃亦跪。讀祝訖。贊俯伏。興。平身。

皇太子俯伏。興。平身。妃亦興。贊復位。贊。

皇太子與妃皆兩拜。平身。贊執事者捧祝帛。各詣

燎所。贊詣燎位。贊禮畢。引禮引。

皇太子及妃還宮

慶賀

是日早。

上具皮弁服御華蓋殿。執事官行禮。奏請陞殿導

駕樂作。陳設如常儀。文武百官具朝服先行四拜

禮。鴻臚寺官詣

丹陛上跪致詞曰。某官臣某等恭惟

皇太子嘉禮既成。益綿

宗社隆長之福。臣某等不勝忻忭之至。謹當慶賀。又

四拜禮畢。

上起易服。

賜宴羣臣。如冬至正旦之儀。

其日命婦慶賀。

皇太后行禮致詞如前。但致詞前稱某夫人妾某氏等。末稱妾某氏等。禮畢。慶

皇后禮同前。但改致詞曰。

皇太子嘉聘禮成。益綿景福。餘並同。禮畢。

皇太后賜宴

大明會典卷之六十八